

জাতীয়

বিমানবন্দর সড়কে তীব্র যানজট, ভোগান্তিতে কর্মস্থলমুখী মানুষ

প্রতিবেদক: ঢাকা প্রোব ডেস্ক

প্রকাশের তারিখ: রোববার, ০২ আগস্ট ২০২৬, ০৩:০৮ PM



ছবি: সংগৃহীত

রাজধানীর বিমানবন্দর সড়কে যানবাহনের বিশৃঙ্খল চলাচল ও লেন শৃঙ্খলা না মানার কারণে তীব্র যানজটের সৃষ্টি হয়েছে। এতে কর্মস্থলমুখী হাজারো মানুষকে দীর্ঘ সময় যানজটে আটকে থেকে ভোগান্তি পোহাতে হয়েছে।

রবিবার (২ আগস্ট) সকাল সাড়ে ৮টার দিকে কুড়িল বিশ্বরোড থেকে বনানী-কাকলি পর্যন্ত সড়কে দীর্ঘ যানজট দেখা যায়। একই সময়ে মাটিকাটা ফ্লাইওভার হয়ে ইসিবি চত্বর পর্যন্ত যানবাহনের দীর্ঘ সারি তৈরি হয়।

সরেজমিনে দেখা যায়, কুড়িল বিশ্বরোড এলাকায় বাসগুলো নির্ধারিত স্থান ছাড়াই যাত্রী ওঠানামা করাচ্ছে। পাশাপাশি কুড়িল ফ্লাইওভার ও বিমানবন্দরমুখী সড়কে অনেক চালক লেন শৃঙ্খলা না মানায় যান চলাচলে বিঘ্ন সৃষ্টি হয়।

এ কারণে কুড়িল থেকে বিমানবন্দরমুখী অংশে যান চলাচল তুলনামূলক স্বাভাবিক থাকলেও এর প্রভাব পড়ে পেছনের সড়কে। বনানী-কাকলি থেকে কুড়িল এবং ইসিবি চত্বর থেকে কুর্মিটোলা হাসপাতাল পর্যন্ত মাটিকাটা ফ্লাইওভারে দীর্ঘ যানজটের সৃষ্টি হয়।

যানজটে আটকে থাকা বেসরকারি চাকরিজীবী সাইফুল ইসলাম বলেন, সড়কে শৃঙ্খলা নিশ্চিত করা গেলে এমন ভোগান্তি অনেকটাই কমানো সম্ভব। তার মতে, বাসগুলো নির্ধারিত স্থানে যাত্রী ওঠানামা করানো এবং চালকদের লেন শৃঙ্খলা মেনে চলা নিশ্চিত করা জরুরি।

এ বিভাগের আরও খবর



গ্যাস-বিদ্যুতের ভোগান্তি আরো দুই বছর পোহাতে হবে
অর্থমন্ত্রী আমির খসরু মাহমুদ চৌধুরী বলেন, গ্যাস-বিদ্যুতের সমস্যা রাতারাতি সমাধান করা সম্ভব নয়। নতুন কোনো ব্যবস্থা নিতে গেলে অন্তত দুই বছর সম...



প্রধানমন্ত্রীর ভারত সফরের আগে অনুকূল পরিবেশ তৈরির আহ্বান ঢাকার
প্রধানমন্ত্রী তারেক রহমানের সন্তান্য ভারত সফরের আগে অনুকূল পরিবেশ তৈরির জন্য নয়াদিল্লির প্রতি আহ্বান জানিয়েছে ঢাকা। ১৬ আগস্ট) প...



বিদ্যুৎ-জ্বালানি সংকটের জন্য স্বৈরাচারী সরকার দায়ী: প্রধানমন্ত্রী
পতিত স্বৈরাচারী আওয়ামী লীগ সরকারের অব্যবস্থাপনা ও অপরিকল্পিত পদক্ষেপের কারণেই দেশে বিদ্যুৎ ও জ্বালানি সংকট তৈরি হয়েছে বলে মন্তব্য করেছেন এ...



রাজধানীতে ২৪ ঘণ্টায় ৫১১ জন গ্রেপ্তার
রাজধানীতে ঢাকা মেট্রোপলিটন পুলিশের (ডিএমপি) নিয়মিত অভিযানে গত ২৪ ঘণ্টায় ৫১১ জনকে গ্রেপ্তার করা হয়েছে। এ সময় বিভিন্ন থানায় ৪৯টি মামলা দায়ের করা...

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/national/bimanbndr-srke-tibr-janjit-bhogantite-krmsthlmukhi-manush>